

եւ իւրաքանչիւր ազգ, զոր ինչ ունին միանգամ զտեղիս 'ի տեղեաց անտի, մնասցեն անհոփոփս 'ի ձեռս նոցա մինչեւ յաւիտեանս ժամանակաց, որպէս հրամայեալ են Աչրաֆեան Մէլիքքն՝ անխափա և հաստատուն մնասցեն առ նոսա, և մի հակառակեացին ընդ միմեանս և մի թշնամանեացէ մին զմիւսն վասն տեղւոյ եթէ Լատին իցէ եթէ Հայ, և եթէ Վրացի. և զոր ինչ միանգամ ունին 'ի ձեռս իւրեանց 'ի տեղեաց անտի, բնակեացին խաղաղութեամբ 'ի տեղիս և յեկեղեցիս իւրեանց. Լատինք յեկեղեցիս իւրեանց. նոյնպէս և Վրացիք, որպէս վկայեն հրովարտակք տուեալ երկաքանչիւրոց յառաջին թագաւորաց, զորս իշխանութեամբ հաստատեալ են: Զգոյշ լերուք չտալ գործել ընդդէմ իրաւանց եւ արդարութեան, մի յախշտակեացէ ոք զիրաւունս այլոց, և մի հակառակեացի մին ընդ միւսոյն սակս տեղւոյ եւ ժառանգութեան: Իսկ բնակիլն 'ի տեղիս 'ի տեղեացն այնոցիկ, որք են վանք Ս. Յակոբայ և Գողգոթայ այլովքն հանդերձ, արգիլեալ է և արգելիք զայլս յազգաց և յօտարաց. զի բաց յայլոց, աւանդեալ են նոքա մի միայն մեծապատիւ ազգին Հայոց: Եւ արդ փոյթ կալլիք եւ մի իւրիք զանց արասիք. զի գործադրութիւն հրովարտակիս օրինակ բարի լիցի այլոց, և յետ այնորիկ մնասցէ 'ի ձեռս Հայոց:

Գրեցաւ հրովարտակս ձեռամբ հաճի Գասրմի, 'ի չ ձէմազիլ ակր ՄԱՁ (1319): Դաւիթ եպիսկոպոս Պատրիարք Ս. Աթոռոյս վարձանեալ թաղի 'ի դաւթի տաճարին Ս. Յակոբայ, որոյ արձանագիրն երեւի ցարդ յաջակողմեան մոյթըս (1321) յօտանաւոր բանս տապանագրին յիշատակին բառքդ « Երջանիկ և Ս. Հեղինակի » . այլ թէ որոց իրաց իցէ լեալ հեղինակ, չէ յայտ: